

ODLUKU

O SARADNJI SA OPĆINAMA, GRADOVIMA I MEĐUNARODnim UDruženjima izvan Bosne i Hercegovine

Član 1.

Ovom Odlukom, u skladu sa samoupravnim djelokrugom Općine, proisteklim iz Ustava, zakona i Statuta Općine, a u cilju poboljšanja uslova života građana i razvoja Općine Centar Sarajevo (u dalnjem tekstu: Općina) ureduje se ostvarivanje saradnje, oblici i predmet saradnje Općine sa općinama, gradovima i međunarodnim udruženjima izvan Bosne i Hercegovine, te način odlučivanja o bratimljenu, saradnji i pristupu međunarodnim udruženjima lokalnih zajednica omogućenim ratifikacijom Evropske povelje o lokalnoj samoupravi.

Član 2.

Općina može pristupiti međunarodnim udruženjima lokalnih zajednica i saradivati sa odgovarajućim lokalnim jedinicama drugih država, radi ostvarivanja zajedničkih interesa iz djelokruga, samostalno, ili putem Saveza Općina i gradova F BiH.

Član 3.

Zajednički interes lokalnih jedinica iz prethodnog člana sadržan je u njihovoj nadležnosti, a odnosi se na oblasti socijalne politike, lokalnog ekonomskog razvoja, poljoprivrede, ruralnog razvoja, obrazovanja, sporta, nauke, kulture, prostornog uređenja, komunalnih poslova, unapređenja i razvoja životnog okoliša, zdravstva, zapošljavanja, pitanja mladih, poboljšanja usluga i drugih vlastitih poslova.

Član 4.

Saradnja, koja je predmet ove Odluke, može se ostvarivati ugovorom o saradnji, sporazumom, putem zajedničkih projekata, pristupanjem fondovima ili na drugi propisani način u dogоворu sa partnerom.

Član 5.

Inicijativu za donošenje Odluke o saradnji mogu podnijeti: svaki vijećnik, radno tijelo Općinskog vijeća, općinski načelnik, služba za upravu i upravna organizacija, organi mjesnih zajednica, javna preduzeća i druga pravna lica, udruženje građana i građani putem gradanske inicijative.

Stručnu dopunu inicijative priprema služba za upravu u čiji djelokrug spada pitanje na koje se odnosi inicijativa.

Član 6.

Zaključivanje sporazuma i drugih akata o pristupanju Općine Centar saradnji u nadležnosti je Općinskog načelnika, a po prethodno pribavljenoj saglasnosti Općinskog vijeća.

Sporazumi ili drugi akti međunarodnog karaktera kojima se pruža bespovratna ili besplatna pomoć Općini za vršenje njenih funkcija ne podliježu saglasnosti iz prethodnog stava, ali je općinski načelnik dužan o njima redovno obavještavati Općinsko vijeće.

Član 7.

Ova Odluka stupa na snagu narednog dana od dana objavljivanja na oglašnoj ploči Općine, a naknadno će se objaviti u "Službenim novinama Kantona Sarajevo".

Broj 01-49-2468/10
7. oktobra 2010. godine
Sarajevo

Predsjedavajući
Općinskog vijeća
Slaven Kovačević, s. r.

Ova Odluka je objavljena na oglašnoj ploči Općine Centar Sarajevo 12. oktobra 2010. godine.

Općinski načelnik

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 25. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), općinski načelnik, 11. oktobra 2010. godine, verifikovao je i donio

ODLUKU

O KOREKCIJI REGULACIONOG PLANA "KOŠEVO"

Član 1.

Utvrdjuje se korekcija Regulacionog plana "Koševo" ("Službene novine Kantona Sarajevo", broj 31/04), u dalnjem tekstu: korekcija Plana.

Član 2.

Korekcijom Plana, stvara se planski preduvjet za dogradnju niza poslovnih sadržaja, izgrađenih na uglu ulica Patriotske lige i Marcela Snajdera.

Dogradnja niza, odnosi se na izgradnju poslovnog sadržaja - trgovine (namjene: prodavnica pekarskih proizvoda), na zemljištu označenom po novom premjeru kao dio k.č. 4/1 K.O. Sarajevo IV.

Spratnost predmetnog poslovnog sadržaja je P (prizemlje), ukupna tlocrtna površina, odnosno BGP je 23,00 m².

Planiranu dogradnju objekta i pasaža izvesti prema gradevinskoj liniji, naznačenoj u grafičkom prilogu: KOREKCIJA REGULACIONOG PLANA "KOŠEVO" M 1:1000, odnosno KOREKCIJA REGULACIONOG PLANA "KOŠEVO" M 1:500.

Dogradnja se mora izvesti od savremenih gradevinskih materijala, uz primjenu ravnog krova koji mora natkriti i pasaž.

Član 3.

Korekcija Plana sastoji se iz tekstualnog dijela i grafičkih priloga (izvod iz RP-a "Koševo" M 1:1000, Korekcija Regulacionog plana "Koševo" M 1:1000, prezentirani na listu br. 1, te Korekcija Regulacionog plana "Koševo" M 1:500, prezentirana na listu br. 2).

Tekstualni dio i grafički prilozi korekcije Plana, sastavni su dio Regulacionog plana "Koševo" ("Službene novine Kantona Sarajevo", broj 31/04).

Član 4.

Korekcija Plana je radena za fazu urbanizma, a obaveza investitora je da za faze komunalne infrastrukture izvrši usaglašavanje Korekcije Plana sa Idejnim rješenjima, koja su sastavni dio Regulacionog plana "Koševo", te da pribavi saglasnosti nadležnih javnih komunalnih preduzeća.

Član 5.

Po jedan primjerak ovjerene korekcije Plana (tekstualni i grafički dio) nalazi se na stalnom javnom uvidu i čuva se u Službi dokumentacije Općine Centar Sarajevo, Zavoda za planiranje razvoja Kantona Sarajevo, Gradskoj upravi Grada Sarajeva i i Ministarstvu prostornog uredjenja i zaštite okoliša Kantona Sarajevo.

Član 6.

Ova Odluka stupa na snagu narednog dana od dana objavljivanja na oglašnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 07-23-3077/10
11. oktobra 2010. godine
Sarajevo

Općinski načelnik
Dževad Bećirević, s. r.

Napomena:

Objavljeno na oglašnoj ploči Općine Centar Sarajevo 11. oktobra 2010. godine.